

لشرك جراً حبيبي

انت تنظرني و انا استنظرك
قلبها واحد ومعناها عنيت
مايموت الحب بل يستمطر
ياحصاد العمر لعيونك ذريت
ما نسيتك يا حبيبي : أتذكرك
وادري انك يا بعدهم مانسيت

فيصل العبدالله

يا حبيبي : ما نسيت اذكرك
وادري انك يا فديتك مانسيت
كل ما تطري علي اتعطرك
واتنفس ياعسى عل وياليت
شفني حتى بسجتي اتفكر
تدري أنك ياشرابييني جريت

أمطرت فالشوارع

أمطرت فالشوارع و أرجهن السحاب
و أمطر الدمع فيني لين دمعي ضفا
ما بقاللي كلام و ما بقاللي عتاب
ما بقالك بقلبي غير كلمة (أفا)
أمس فكري تشتت بين باب و جواب
يوم وجهي حزين و نور قلبي طفا
شق صدري غيابك يا كثير الغياب
و انت لا جيت صوبي جيت كلي حفا
كنت اظن الكرامه من كريم الجناب
مثل رد الوفا لا جا من اهل الوفا
و أثر مالك مقام و مالقلبك حساب
هبت الريح فيك و كل سافي سفا
جندوك (الثعالب) و أخضعوك (الكلاب)
و أنت راضي و فاتح للزمان الف باب
باب (هذا يروح) و باب (هذا لفا)
لايقين لبعضكم بالقلوب الهباب
بين (شذاب ساق) و بين (راعي قفا)
لا تظن السلامه و أبتعادي أكتئاب
دام عندي مبادي جعل عمري جفا
المشاعر تبدل مثل بعض الثياب
و الرفيق يتبدل دام (راسه) هفا
و الطريق ان مشيته باتجاه الذهاب
واضح الصدق فيه و مايهم أن نفا
يالله اني بوجهك من شديد العذاب
عن خطاهم (عفينا) يوم وجهك عفا
ليت لي فالمنابر دعوة تستجاب
و أسألك عن عناي و عن (مرضهم) شفا
و الهقاوي تشيب و تو عمري شباب
يا جروحي تهادي جرح واحد كفا
جعل عمري طويل و فوق نجم و شهاب
و الله يديم قلبي في امان و دفا
جف حبر المحبه فالورق و الكتاب
و أسود الليل حوّل فالضلوع و ضفا
رمش عيني يموت و يعشق الانتصاب
فوق طرفي و حتى يوم طرفي غفا
مالقيت بعيوني غير دمع السحاب
ينتثر في ضلوعي فوق كلمة (أفا)